



Հովհանն Երզնացի . — Terrace ou Trône de Teridate.

զամն չորեքհազար յորժամ հայկազնեանն Գեղամ նահապետ շինեաց անդ 'ի ձորակի միում զԳեղամի դաստակերտ, զոր թռուն նորա Գառնիկ յիւր անուն Գառնի անուանակոչեաց. և եղև այն գիւղաքաղաք բարգաւաճ մինչև յաւուրս Տրդատայ մեծի. որ յառաջնում քառորդի 'Ի դարու շինեաց անդ ամրոց " որձաքար և կոխածոյ վիմօք, երկաթափամ և կապարով մածուցեալ, որպէս ասէ խորոնեցին. յուրում շինեալ և տուն հովանոց, մահարձանօք, սքանչելի գրոշուածովք բարձր քանդակաւ. 'ի համար քեւ իւրոյ խորովիղխտոյ. և գրեալ 'ի նմա զյիշատակ իւր հելլենացի գրով, զսա յեփնիքն կոչեցին ՍՄՐՆՆՈՅԹ ՏՐԻՍՏՅԵՑ, և յարդ կոչէ Թաղաքապա: Հէն էր տակաւին և առ Շահարասաւ, և բնակիչք նորա հարին զասպատակս նորա, այլ ասպա գերի վարեցան: Ի մեծի սասանութեան Երևանայ յամին 1679, 'ի սպառ կործանեցաւ և անբնակ եղև Գառնի, և " անկաւ զարմանալի Թաղան Տրդատայ, որպէս ասեն ժամանակագիրք: Երևին զարդ 'ի պաղատեան գահաւանդի ուրեմն, որ խոնարհի 'ի հովան յարևմտից վտակին Գառնեոյ աւերակք գղեկին քառակուսոյ, իբր հարիւր կանգուն յերկայնու-

թիւն 'ի հարաւոյ ընդ հիւսիս և հարիւր և քսան յեւրոյ ընդ մուտս. ճակատն զառ 'ի վայր 'ի ջուրն հայի, իսկ երկրքին կողմանքն ամուրք 'ի բնէ՝ ամրագոյն ևս գործեալ են փորալից պարսպօք որ 'ի կոխածոյ գորշագոյն լաւայէ, ճարտարագործ յոյժ. իսկ յետուստ կողմն՝ ամրացեալ է յարուեստէ: Երևին տեղիք աշտարակացն որք ամբառնային պաղատեան սեամբք՝ 'ի վերայ կոհակաց ժայռից, որոց բեկորք ցրուեալ են յերեսս ձորահովիտին խառն ընդ բնական փրթուածոց քարանց. հնգանկիւնի տեսանի ձև սեանցն, և որակ քարին խիտ և սևագոյն. և բնութեան ինքնին իբրև 'ի նախանձ մտեալ ընդ արուեստի՝ ձևակերպեալ է անդ սիւնս իմն անհեղեղս և պատուարս անձեռագործս՝ կարգ ըստ կարգէ: Հիւսիսային կողմնըն կիսաբոլոր ընծայէ պատուար աշտարակազարդ, և յանդին եղջերքն յարևելս և յարևմուտս. մի միայն մուտք նշմարին առ արևելեան աշտարակաւ, խաչաձև նշանօք գրուադեալ: Իսկ զմեջ պարսպացն գերուկք ևեթ ունին խառն 'ի խուռն մասանց շինուածոց, սեանց խարսխաց և քուոց. ընդ որս և հովանոցն այն զարմանալի, և արժանի ձեռակերտ քաջին Թագաւորի և առաքինի սիրոյն արձան. որ թէպէս և սա-